



松夢寮

詩稿

陳豪



光緒歲在
己亥十月

松夢寮

松夢寮詩六卷錢塘丁君丙所著君博極羣書於學無所不通究心經典由訓詁以達義理融會賅洽無漢宋門戶之習年未冠卽學爲詩好樊榭山房集家富藏書盡發漢魏以來諸名家詩誦習之鎔冶百家自鑄偉詞故其詩直寫胸臆獨往獨來感事懷人纏緜悽惻得風人之旨非樊榭所能囿也自謂注意在紀事詩蓋猶遜言之爾君旣覃思力學又負經世才與兄竹舟並稱於時顧丁亂離困於諸生末由自振遂壹於爲善稍稍發抒其懷抱凡地方義舉他人所諉爲不能者恆獨任之家世素封其力又足以濟杭

松夢寮詩稿序

一

城克復地方善後事宜無小大大吏一切委之君鄉先生翕然誦之曰非丁君其奚以濟左文襄撫浙時訪求人材首舉君入告遂以諸生受知天子以知縣發往江蘇加銜進秩

疊詔褒嘉

聖人之意豈不以吳民瘡痍極矣得君以爲令長式或者其有瘳乎而君卒抱道不出商賢聞君之名二十年作令浙中交君者且十年跡其生平在隱顯之間竊覘其所設施皆有功名教有益民生甚大雖使乘時得位殆未必有以過之此其所以不欲以彼易

此者歟而君之意實不盡然嗚呼斯何時乎直道難
行甯能委蛇以取容乎君蓋自知之審矣君晚歲益
勵於學尤留心鄉邦文獻校刊梓桑掌故先哲遺集
凡數百種自著及纂輯者亦數十種而孳孳爲善唯
恐不及則終其身如一日歿後哲嗣立中就君平居
所指示者編次之君字松生卷首詠松有云窮則耐
雪霜達則擎日月不改堅多心倚根讀周易蓋自道
也讀者可以知其志之所在矣光緒己亥臘月八日
吳縣柳商賢序

松夢寰詩稿序

二

松夢寮詩稿卷一

松 辛亥

錢塘 丁丙

嘉魚

天

窮則耐雪霜達則擊日月不改堅多心倚根讀周易

古意

解囊理素琴琴牀落松子靜待人去久抽軫始撥指
相賞匪無音鳴異實足恥直道如絲絃孤懷抱桐梓
內蠱惑溺袪鞠通早枯死冷冷太古聲薰風動真旨
高山流水間洗耳復漱齒

追憶錢夫子

松夢寮詩稿卷一

一

師諱光泰字菊人杭郡生僑寓明州館吾鄉
黃氏伯兄先受業焉小子入學之日師喜程
課早畢贈以棗栗餅餌似寓獎勵之意翼日
師卽感疾旋歸歿於家同學諸子皆散去七
八年來無音耗可得而師弟一日之緣殆有
宿契者歟

請業錢門下依依七歲兒神童詩學誦夫子眼青垂
一夕瓣香墮四明山色悲鐙前懷杖履何以慰相期
童時居麒麟街出就小橋秦氏外塾道光庚子
秦氏避警他徙負笈鄭師晝人家師居張紗街

小許距寒家里許朝夕隨兄赴學所經地址頗萃古
緣因各紀以詩

三人與闊版橋

石獅苔不侵題柱字隱見貢院尚留名禮部久罷選
走橋人林林看榜一時羨迄今問姓名橋下水空嘯
版蕩餘石頑紫雲爛一片

飛龍欲皇親巷

淘沙得吉金生男不生女莫嫌在陋巷居然遇其主
巍巍堯母門龍翰澤灑雨可憐椒房親零落豆墳土
荒草綠裙腰烏衣夕陽語

松夢齋詩稿卷一

二

鮑公古社

我我同泰寺蕭梁紀捨身天子重佛敎興起有庶民
誓布金九里證明香火因同時擁華構幾荒荆與榛
無住始常住社酒歆千春

同仁祠

姚江與漸江兩水匯一流科名復宦迹鼎足齊千秋
殷仁行不同同衛社稷謀樟樹蔭祠宇羽葆英風迺
三人成好事大聲天地留

小橋

小杠跨支河舊列宋官庫寄儲潘葑酒藏等紅亭醋

香留第二泉水碧南渡魚珠混藩封題橋味掌故
心醉味醞醞書庫一讎誤

祥符寺

諸州詔立寺制紀祥符朝神龍三年額例賜名改標
大智受經地上元觀鐙宵宋淪元鼎盛輪轉劫火焦
不貪承爲寶合十瓣香燒

龍興寺

山門對市橋石幢固舍利妃簪捨龍乳伽寶藏螺髻
塔樓大覺眞肉身感靈異欲訪景龍碑石脆墨雲閣
勉旃廬舍人毋妨僧菜地

松夢寮詩稿卷一

三

張紗衛

北隅近聖湖湖通江漲沙又傳紗工居巷因屬張家
同音雜妃豨野語齊東譁十步有芳草一藝亦足誇
莫怪若邪溪千古豔浣紗

蠶豆橋爲五世祖妣周太安人赴義處

賢聲思祖烈袞袞典慰貞魂二百春秋後橋邊水不渾
史書留姓氏蔭庇到兒孫日落豐碑峙含酸酌酒尊
同芷沅坐翠螺閣上聞鄰篴聲甚悽澀感成

月華皎潔露華溼坐對銀鐙苦沈寂何地風傳逸韻
來倚樓人定橫瑤笛短情長良夜悠一聲兩聲清

且柔宮商漫叶纖纖指歌曲如聞細細喉可憐相隔
空相慕碧漢紅牆何處度緣古難逢蔡邕知曲高絕
少周郎顧一度沈吟一度嗟賞心樂事更誰家天涯
不盡飄零感尙有琵琶半面遮

葫蘆井

夜月梧桐井底陰秋風禾黍井眉侵已乾天水三朝
淚不改江山半壁心金字題牌家法做銅花墜印古
緣深我來怕鑿興亡影石上泠泠彈素琴

離離一寸草

壬子

離離一寸草赫赫五侯門庭墀絕纖芥車馬喧朝昏

松夢寮詩稿卷一

四

主人節旄出門冷荒如村離離一寸草驛路隨征輪
主人錦衣歸朱門掃積塵離離一寸草命奴芟其根
須臾主人死殘客去無存離離一寸草守護青冢魂
縱燒寒食紙不改春風痕寸草且如此寸心盍爲捫

悼亡八首

一別悽惶了此身可憐欲泣也無聲招魂祇望歸來
夢讖佛難償往日情已續鴟絃驚再斷空持鴛牒證
三生壁間遺挂分明在舊恨新愁兩度并
憶昔庭開卻扇筵職修內則共稱賢小姑爲試調羹
味大嬾同賡詠絮篇書勸少雙憐我弱藥因多病累

卿煎回思往事都陳迹怕理妝臺舊翠鈿

婦儀淑慎女儀貞歎息萱闈病幾經不厭驅風薰艾

蒨更勤排日進蓂苓親衰每替持家政弟弱尤殷護

穉齡一事外堂愁絕甚重泉何處返雲軒

珍重溫柔少女風館甥時寄丈人峯養痾心力常勞

爾錯意功名幾慰儂替翦蘭釭宵課永互酬絜什別

情濃珠潭潭畔吟窗冷從此含酸怕過從

七旬牀第痛呻吟噩夢爲妖最愴神病莫能興還撫

姪彌留時姪立誠亦歿而猶視爲思親婦當垂危余

父來以謀一面及外舅姪患恙尙憶及之拈花早脫長生願證果空留

至僅含淚直視而已

不壞身病革時自言仙樂來迎歿安得鴻都仙士在

黃泉碧落叩前因

數遍彌留十二支歿時自子暨淚枯猶盼我多時始

知再造醫無術虛算三年偶結禱含玉忍教卿目瞑

沈珠定與姊肩隨謂沈氏九原寂寞如相憶環珮須偕

入牕遲

延齡北斗愿空求余至法華山萬種情深付水流小

謫紅塵剛佛浴厭居白屋竟仙遊病中曾言家屬將

母姊百方憫解終莫釋疑豈以嫁衣成殮香猶護寶

鏡封奩影亦愁記得去年除夕識燭花雙折舊妝樓

松夢寮詩稿卷一

五

去臘歲燭未竟
而滅殆先光耶

紅消碧歇惹愁多
爛錦年華委逝波
殘夢怕聽雞警
旦良緣空盼鵲填河
媿無騎省傷秋感
敢效蒙莊箕踞歌
賸有翠螺遺橐在
梓傳我願費編摩

環壁橋

玉栢雙掩處相見總無時
絮酒和淚灑泉臺
知不知
西湖歇絃管南國滿旌旗
獨立已多感天涯
亂離
渡錢塘江至福巖恭謁祖塋

壬子

桃花潮汎歇三春
魚磴鱗塘縮水痕
東渡西興江漸狹
南攤北漲浪微渾
犢牽車小行沙岸
鸞挂帆遙引

松夢寮詩稿卷一

六

海門隔岸雲山回首望
參差樓閣上朝暾

古居夢筆訪江郎
程歷蕭然十里塘
高下山城青繞郭
喧闐水市綠通隍
烏篷雙槳龍門艇
彤管千秋鶴表坊
穉子迎門翻謂客
殷勤揖我示趨鏘

輕暖輕寒二月天
又隨大阮酌荒阡
鶴飛不返三千里
鴻印重尋十一年
同輩丁男驚老大
舊時丙舍怕移遷
買山所願資無欠
搭个茅廬守墓田

農桑樂利福巖收
近接柯橋一水流
故土先靈懷祖澤
過江餘蔭翼孫謀
瓜繇氏族繩繩繼
麥飯清明歲歲愁
日落田翁來話舊
百年陳迹尙傳留

盈盈春水碧羅羅十里湖塘唱櫂歌飛燕營巢掠水
淺養魚編斷近橋多女兒家釀新陳酒嬾子田耕早
晚禾黃殺菜花青殺柳中流浮白一羣鵝

方袍也解事東菑來借雲龕作住持黃隱仙遊梅尉
市春祈秋報穀神祠門臨水次挈舟便雨阻山程理
屐遲信宿言歸情戀戀重遊預約一年期

春江

春江春水風冷然大癡一角山圖懸語語各鄉入市
雜鱗鱗萬瓦依城圓土宜競集草帑販本埠又呼桐
廬船梅花九里應不遠導余要路鳴皋緣

星異

芒芒星耀逼殘暉太息安時正履危枉矢橫天牛斗
暗欖槍墜地獸聲悲流言熒惑消軍帳凶饑蚩尤掩
賊旗罪已頻頒納言詔諸君何策服戎夷

桐廬夜泊用曝書亭韻

癸丑

峩峩桐君山嵐翠溼新漉村民鋤藥歸炊飯煙塞屋
灘危懼滿溜沙尾卸帆腹畫眉暝不嘑先容投林宿

文信國琴歌

朝拭玉帶生淚枯眼不明暮撫鐵如意隻手難扶傾
閒關吾老矣江山莽萬里清原古剎荆棘多夜撫枯

桐將奈何朔風吹落零丁洋此琴不畏蛟龍攘柴市
沙飛天狗墮此琴不受羶裘裹嗚呼共此絃七條有
幸不幸視所遭南荒瘴霧北荒雪生還汪水雲死友
謝文節

雨君上巳皋亭

黃獻

柳眉刷刷桑眼含司家橋頭浮翠嵐歌桃源行半山
半修蘭亭禊三月三蒙塵聖母鳳鑾返撒沙夫人牲
醴酣人在畫中行得得莫嗟老面對花慚

泊臨平關水柵阻宵行

晚關鐙閃鼓蓼蓼矮極橫挖渡口紅舟子兩邊通夜

松夢寮詩稿卷一

八

語客心南北水西東

題高惠生託吟身圖

才子簪花筆一枝美人香草結幽思冬郎不作秋姑
老愁煞尋春杜牧之
瓊花街畔煙蘿屋中有詩人高達夫讀罷我重懷舊
雨君家有客醉黃壚

謂茶庵

郎官聞要著吟鞭北塞西江孰後先笑我此身無託
處亂書堆裏過殘年

錢清江夜泊

一輪白玉錢團圍出江口照此春水明來伴夜航走

人聲隔蘆叢煙村話漁叟神風卓靈旗載拜獻村酒
猶有漢時風吠不驚村狗
蘇軾非景疏束手撫琴
蘇軾竹舟兄小住湖樓訪之
蘇軾湖樓作寓公盤桓信宿夢遙通風光幾日不相
見綠得柳條如此濃
蘇軾寄富樞嚴志時風雷
蘇軾獨遊報國寺
蘇軾鳳凰飛去隱巖阿獨向江邊策杖過五寺此爲功德
冠三朝其奈廢興多秋風禾黍碑沈土夕照葫蘆井
不波古蹟常留鴻爪印蒼松未改歲寒柯
蘇軾南遊詩

尋尊勝廢寺

松夢寮詩稿卷一

九

壞壁詩殘塔斷根無人能認故山門隔江雲樹千鴉
亂到岸風濤萬馬奔赤體西番銷佛像白頭南渡話
君恩淳熙年鑄金鐘在不盡興亡繫老髡

贈盧儒醫

我愛盧夫子高風不可攀藥求靈異水家住最深山
偶作吾杭寓姑蘇母病孱當歸歸志切風雪送君還
蘇軾輓歸楊氏族姊
蘇軾蘇軾風波幾日不
飛折雙翎鳳行艱獨足夔入旬依祖母一脈寄孤兒
人所未嘗者天乎尙虐之是愁非是病束手謝羣醫
對我酸辛語聲瘖淚不溫十棺情戀戀一榻語昏昏

竟斷瓊礎韻空招婿旒魂訃書何處寄江上陣雲屯
銀瓶井

天水一滴枯改邑不改井流傳鄂王女殉父此滅頂
誰鑿緹縈書不挾趙娥刃甘效守口瓶心已如斷縷
君王井底蛙窺天不見影視此一泓潔俯照毛骨冷
夜深懷環娘靈風同耿耿會當從耿耿恭載拜冠服整

瀉春園八景 甲寅

靜涵室

靜而后能安涵然意彌適斗大一室中願勝廣厦闢
軟紅飛不來窗紙暈虛白

松夢寮詩稿卷一

十

玉照軒

軒前一泓水微波清如玉軒中五車書可以供吟讀
南湖玉照堂先後訂芳躅

初照樓

立身須及高立基須慎始高以遠卑微始足辨非是
愛此小小樓登臨悟微旨
延月亭
今雨不復來舊雨亦引領獨立憩孤蹤水亭幽且整
杯酒一招邀上下兩月影

露香樓

去天一尺五拔地千尋聳香溼薄羅衣露華如月湧
若更上層樓玉盤我親捧

珠兒潭

小珠露千點大珠月一顆空潭笑不須幻影跳珍珠
可有老龍來吐吞鱗甲鱗

仙掌峯

天然小巨靈嵌空高及丈日華宜曉承露瀉金莖沈
石兄如點頭膜拜我合掌

周旋廊

修廊九尺長廊外波澹沲闌干卅字文紅酣壓花朵

松夢寮詩稿卷一

十一

背手尋詩來周旋我與我

慈雲寺觀生臺石

城根無路通巍然一寺古締造唐相國靈感宋宮主
到門殿森嚴升階級步武旁有施生臺古色抱一柱
上乘蓮花臺下基落蘚礎中安石四稜功德紀颯縷
跏趺三佛尊去來今結侶梵塔普會傳法界因緣聚
句當發願文老衲承佛祖緬懷元符朝度牒冷僧宇
朝廷侈符瑞那知佛光普玉璽命方授寶籙齡遽阻
想當功德成圓滿月光吐同時河決黃復置治理所
八百三十家冤獄毒於虎何如叩禪宗脫離一切苦

人去石尙存千載令人撫摩挲到日銜飯鐘敲一杵
沙彌施晚齋飛下白鸚鵡

住持流傳碑

既蒐北宋幢復討南宋碣一片滑如飴旁轟佛殿壁
崇二尺二寸其廣尺三闊邊鏤古雲雷額篆細絲髮
崇寧舊住持甲乙備書石因念眾髮派誰歟繼手澤
如何功德林亦重案牘筆黃堂劄付下鄭重印鈐赤
當時掌厥司判官記吳革行在尙書省臨安郡首邑
景定四五年後先頒兩帖城中易黑灰此獨未摧折
吳山寧壽觀公據亦有給老子與佛子源流二而一

松夢寮詩稿卷一

三

石墨片楮輕千金稱合璧勉旃守院僧傳鐙永弗失

贈高飲江楨

郭璞陳蕃渺舊塵主持風雅仗君身書名一代推前
輩史筆千秋有後人夢醒江湖情冷淡交逾金石意
深醅揮毫愧我如鴉拙指點何時一問津

楊利叔高茶庵同飲酒樓

干戈叢裏急抽身來著杭州舊酒痕老大相逢豈容
易天涯難得息鵬鯤

世無嚴武帳虛開濁世誰憐老杜才磨盾雄談吾不
慣破愁還仗掌中杯

有事塘棲乙卯

武林頭去路無多兩岸山青幾度過警遠戍瓶荒吏
堠役嚴販榜避官河枇杷花發白於雪楊柳枝髡綠
未波我且盤桓尋樂趣村醪一酌醉仁和

趙雁湄姑丈贈蟹爪水仙答以醉蟹

名姬名馬意何迷豪舉終慚隱遯棲法說現身無二
相詩疑脫口換雙臍凌波小蕊黃金盞破甕新香碧
玉泥一蟹不如嘲一蟹兩般傳遣老髯奚

中城福院辛亥十二月燬於火今歲重建賦此

祠宇森森痛赤燠恆河沙散土憐焦五年浩劫輪迴

松夢寮詩稿卷一

三

滿一衲維艱願力超香火靈龕興福社衣冠舊績眾
安橋老巫醑醴刑牲祝物阜年豐疫癘消

七十二祠武林地百千萬恨岳家軍金錢集願民酬
福鐵劔成仁帝策勳大義自能扶宋業小詩權當上
梁文豆籩尊俎常烝享寄語僧伽守護勤

戒壇寺同田希樊

修途聯北郭小寺紀南庵辭卻新年酒來尋古佛龕
池魚得春樂林鳥助春談九里基荒盡何時證鉢曇

病中對菊

秋容如我瘦病體共君癯米價逢朝長花儂活計枯

何心思把酒敗興又催租若可餼糧代餐英畢歲徂
觸景增前痛椿庭愛古香病中猶手植花在歎人亾
門祚滄桑感園林風木涼延齡期老壽強爲母傳觴
湖上晚眺還宿蓮喻室

湖濱一回首晚景動蒼茫堦影聳空翠櫓聲搖夕陽
隔林鴉背亂歸路馬蹏忙戴月投蕭寺繙經領妙香
余家病魔軫轉胸甚鬱勃因仿少陵驅瘴之意
衍爲四章遣悶

辭醫

殃慶聽天賦安然養太初世無長治策我有絕交書

松夢寮詩稿卷一

十四

虛譽肱三折達觀顏一舒阿師對修竹塵俗可醫余
退巫

某之禱久矣神其吐之乎顏家有明訓絕口不言巫
懶事冬堂贈笑他秋賽愚牀頭三尺劒叱鬼氣豪麤
焚方

換骨方誰覓安心法最宜用兵先貴守不藥乃中醫
故紙無餘味生機杳莫知愁如春草亂一炬斷根時

毀鉢

千八百餘種千八百八十種本草投來十二三相煎何太苦
無味得回甘漸漸藥煙歇遲遲酒興酣唾壺同擊碎

如意助清談

葛嶺尋半閒堂多寶閣後樂園諸廢址

花外竹竹邊山一箇蒲團閒最難唐多令把新詞喚
公與神仙分一半半壁安君王半閒屬平章半壁江
山今已凸半閒遺址悲斜陽

丞相不以政事實丞相轉以珠玉寶寶政事者國日
新寶珠玉者殃及身玉碎與珠沈閣上空無人賸有
流離紅一鏡多寶如來坐上乘

養樂園開猶不足後庭園又增後樂園日增國日蹙
平章一笑諸臣哭他年愁絕木棉庵後樂不樂名不

松夢寮詩稿卷一

十五

確

可羨園

桑麻鋤瘦地蓉菊媚新晴晚節娛三徑秋光壓一城
俗無冠蓋會人以布衣名詩筆鍾嶸擅吟秋孰繼聲

優鉢羅

丙辰

種蕉懶學紙爲田大葉濃青帶露鮮鉢羅雲香世
界一枝幽韻晚涼天

天山赤北白南閒碧葉青莖不計年幸遇品題岑大
理遐陬荒谷聳芳妍

夕掩晨開半面妝檀心珠蕊貫中央拈花誰試兜羅

手瓶鉢因緣一瓣香

九房六葉異香涵別種名疑優鉢曇擬擷曼陀羅一

朵法華伴供白蓮龕

離懷折贈柳穆穆春到旗亭酒正酣鐵笛一枝催夢

醒梅花風雪滿江南

青青女貞木鬱鬱夫容花隆冬霜雪摧不折孤鸞別

鵲嗁啞啞解一女初生即締姻一雙鳳祿牽鴛緡及長

賦性尤溫醇解二鹿車將迓雀屏還射惡耗倉皇中途

咤叱解三女身雖未歸女心終不回願偕夫壻泉路歌

倡隨雉經鳩毒屢脫危父兄環守心不能任所為解四

既而幡然曰死者既死活者活堂上慈姑留白髮不

如婦功替子職生不同室死同穴解五麻衣入葦門未

婚勝已婚守貞復行孝令譽馳鄉村解六縣令表德文

宗旌額嗚呼女身雖在心已畢千古神天無動色解七

女姓葉號素英字陸可觀婚未成年十七歲夫殞身

再十三年志不更女之阿兄我友盟為徵屨筆傳芳

型他年彤管輝新城解八

夢

松夢寮詩稿卷一

五

生前心事有餘悲，沒後情形悟物機。相對怕提前日事，著來隱約舊時衣。屋梁明月疑積照，簷瓦輕霜作冷微。寒柝三更鐙一點，醒來腸斷淚空揮。

雲棲雪夜

腳冷空鋪白氎氍，隕陰寒墜磬聲圓。一番好進書祥表，下等詎參說食禪。萬竹虛心降大地，千花妙手散諸天。江風尖比屠刀利，我欲山中放下眼。

惜感春丁巳

連朝穀雨過春分，無數風光又暮春。三月顛狂飛絮候，百年珍重看花身。難言心事詩空訴，已冷情腸酒

松夢寮詩稿卷一

七

欠醇何處武陵漁，父在扁舟爭訪避。秦人秣陵聞喜捷，書來滋蔓誰知結。禍胎殺賊難爲除，賊計足兵誰是將。兵才可憐六載嚴，疆固遽報三衢郡。邑摧如火如茶嗟，失甲滿城蒿日劇。堪哀

一局棋枰半角虛，犬聲狺吠蚤涎噓。可知鬼域難馴性，其奈臣工誤養疽。諫草誰陳籌海策，飛芻重上運河書。議和議剿紛更甚，犴烏蠻花太息初。

內虞外患兩周防，江北江南百沸湯。異域竟羈蘇屬國，荒村徧列漢貲郎。撫時空有葵心向，搔首頻憐蒜髮蒼。且醉一樽婪尾酒，餞春努力惜餘光。

天寶小樂府

荔枝貢

梅子酸江妃死荔枝香楊妃喜白玉膚凝十八娘紅
塵騎捷三千里六月慶長生七夕盟連理連理之枝
願子虛絳羅縹渺仙人襦阿蠻病齒搖左車豈非側
生多食歟

花奴鼓

羯鼓聲萼萼桃李花枝紅笑對眾嬪語天子爲天公
春雨晴春風早春雷喧春光好鼓腰細細疑舞腰深
宮行樂花奴豪花奴此日君王選青山峰白雨點漁

松夢寮詩稿卷一

支

陽他日君王驚金石盡作刀槍鳴

洗兒錢

太子何官臣不識胡兒先母帝大悅洗兒水分華清
池洗兒錢割脂粉貲母兒一樣肥宮禁酣且嬉黃金
十萬如土泥驪山買寇悔計非至今印摺纖纖爪古
錢綠繡開元寶

長生殿

七月七日夜將半兩心私語無人喚在天在地緣續
斷低首拜雙星秋光冷畫屏誰知賦長恨欲乞巧無
靈玉扇仙鑰無人過道士歸來纔說破舊恨與新情

金釵鈿盒盟了長生願再生

鸚鵡經

摩訶般若玉環語慧舌喃喃雪衣女比翼之盟我與
汝奈何鵲橋仙不許鸚鵡賦禰正平鸚鵡經楊太真
奇才薄命同一轍色卽是空空卽色輸他十四盧眉
娘法華經繡針鴛鴦

馬嵬坡

戰壘弔將功馬革裹屍馬鬣封秋墳愁鬼唱馬前死
後馬嵬葬杜鵑血胡蝶灰白楊同泣梅妃梅玉棺猶
賸故香囊囊中可有返魂香

松夢寮詩稿卷一

尤

天章寺尋二十四堆

獅山山下冢纍纍墓草巖花滿劫灰風雨錢唐翠華
路望穿寒食捧香來

女兒殉葬物無多總統何心徧網羅零落金釵龍洞
髻保身轉遜老宮娥

杜宇冬青泣故宮要知此意只東風玉鉤同滴傷心
淚二十四橋流怨紅

越游四絕句呈益齋舅氏時舅氏館紹郡

吳宮麋鹿走荒邱霸業由來盛越州村號苾蘿山采
戴英雄兒女各千秋

龍門艇子櫓開雙三百波程一鏡光我是乘船老騎
馬眼花笑倒賀知章
不買山陰道上鷺衝風日日跨疲羸論文也是看山
妙一樣牽人應接多
握登山下剏神祠渺渺蒼江繫孝思證取邯鄲碑上
語君家我作外孫詞

銅鈿牌歌爲金述之

繩武

賦

評花仙館安榴吐邀我評花復評古古泉田田綠凝
土別有銅牌黑如柁長二寸許闊寸許額通小孔貫
繩縷陽文面背合二五鑄成行用臨安府準則以伯

松夢寮詩稿卷一

三

伯則伍一刀五千十倍汝省錢濟乏度支薄七十有
七變通祖意指不勞姪女數金牌寃獄毒於虎甘輦
黃金悅金虜國貧吏侈民怨苦交子盛行江淮浦天
下大計仰給楮并此銅牌亦廢舉白雁摧傷青鳳舞
神陵鬼冢溷荆楚臨安星散十萬戶當日守錢無故
主吾家龍泓墾桑園片片帶泥拾盈筐五百餘年神
所與此牌或卽出此所金君錢癖深肺腑情類雞鳴
逐阿堵一圭拓續洪遵譜趙家食貨志堪補題詩我
媿腹笥篋歌罷一言向君語杖頭破費君勿拒沽酒
牌邊醉鷗侶

百雉巖城沙路紆臨流品字蠹浮屠一空山嶂田兼
水兩界圖經越接吳浪浴鴛鴦新橋李鹽饒蜃蛤小
長蘆名區例合名流住三過詩成憶大蘇

一水盈盈抱郭圓問名人說古由拳紅燈青旆沿塘
店平底疏篷擺渡船封版積泥雙竹鬻菱塘界水一
繩穿羨他撒網漁家樂細雨斜風蓑笠綠

畫船一棹笛雙枝明滅煙光澹漾姿新燕人家臨水
閣未蠶天氣進香時實心綰綰草娘髻纖手盈盈浣
女脂蘇小墳前酌杯酒草青兩地費相思

松夢寮詩稿卷一

主

正月十九日雪

戊午

君爲舊雨念

茶庵書來如此大
雪不可無詩紀之

我懷舊雪悲舊雪與

今雪人事分兩歧猶憶歲在卯雪折椿樹枝次年春
雪作恰符今日期吾母方大病病且危乎危情癡夜
禱佛力竭朝求醫醫言風刺骨衰體尤不宜舅氏來
視病兼之話別離冒雪去江上母淚如縷縻其時母
尚在此境已淒其何沉淩其境又復不可追今年吾
舅氏初自吳門歸吾母杳不見徒見雪積墀勞勞父
母心雪白頭上絲哀哀孤兒唬雪白身上衣泉臺冰
雪冷親寒兒不知春秋霜露感兒寒親鑒之人生無

百歲見雪難千回雪厚有時消此病無消時孤鴉墨
垂翅啞啞助予哀

三月十八日霸子橋上鳳凰亭燬

去年寶善橋橋墩崩裂石柱搖今年霸子橋橋亭一
炬焦土焦一爲水患一火患兩災同以三月遭二十
七舊傳鳳凰曾結巢凡鳥不敢鳴交交鳳凰一去曠
亭在古迹沿緣數百載天穹似憐鳳德衰四角如焚
九苞彩河橋走看用三更兒童父老太息聲君不聞
三衢劫火萬人死何惜區區一亭子

寶奎寺

松夢寮詩稿卷一

三

冬山氣蒸鬱小雨點不羸深蒼闔靜域鳴腳黃一株
涉崇俯萬景海疊盪碧矚崖覓見滄字黑龍龍蟠書
山靈關顯晦迷失榛艱誅太師舊功德老僧說徐徐
龕留文惠像象笏秉魚須立朝先治內三憂鑒臣愚
酸文上屋梁晚景謀桑榆無兒孟東野捨宅張南湖
胸襟同作達心械奚爲拘干林風盡脫一抽霜未枯
忽覩棲巢禽歸心與之俱

戴文進功德畫藏潮鳴寺

回龍橋畔古叢林蔬醞萍塘仄徑深冷磬一聲塵籟
寂諸天花雨海潮音

蘇詩宋碣幻紅羊歸德何堪湖後梁珍重僧言佛畫
好不燃火照也光芒
迦文神女顧毫添甘軸茶摹糙色縑脫手銀工貌金
像九蓮菩薩滅莊嚴

缸面不貪禪閉關裝池功德釀千鏢啞羊知不拋鄰
寺一瓣心香繼大團

堅土一上人

又見端陽節物催天涯離亂意衰積劍揮蒲綠森兵
氣火絢榴紅感劫灰將母不遑人事苦有誰生縛鬼
章回無情只有癡兒女白酒黃精試勸杯

松夢寮詩稿卷一

三

章何萍

弱絮隨波化青溪點點春江湖風不定惆悵未歸人

又見紀遊

昨宵白帝來雲裝滿湖便有清秋光青山梳掠媚清
曉煙鬟霧鬢開新妝早涼柳下葛衣薄湖波高過曾
魚牀相將一舸鬧紅去沿緣四壁蓮花香采蓮歌細
人不見驚起鷺鸞白一行

辭舟遵陸腰腳輕矮奚負囊前頭行行深入翠微
處白雲當路先僧迎袈裟一地喜新構汝州香火沿
其名由來佛法本無任隨地可悟青蓮生一遊四載

會重到滄桑便覺胸輪縈山蔬藜莧飯松屑道是山
僧盡世情此軍容大寶高洪趙吳六封南題帝心卷
竹陰濃露滴如雨泉語幽修學人語扶藜來叩羽宮
肩老鶴飛來仙姓呂何年采石琢削成錯則如鋸平
似斧香煙藹藹洞腹昇黝黑古煤疑覆釜摩崖題字
一抹平千載榮名容誰補山風怒號色然驚是否逢
逢答金鼓此軍容大寶高洪趙吳六封南題帝心卷

壽藤古樹宵緣煙山門紅破獨犬眠進門一帶石壁
翠海棠娟娟姿可憐誅榛披蕤到絕頂破空一竅喉
下咽其旁巨石擘如掌巍巍丈六金身鐫蹒跚何苦

松夢寮詩稿卷一

一

此身悔輪迴轉以他生遷虛堂龍憩我亦憩茗香到
口疑龍涎片雲頭上欲遮黑秋霖毋損山中田此軍容大寶高洪趙吳六封南題帝心卷
平生嗜結泉石緣得一佳處必窮罅來時乘興力勇
猛歸去每以不遑謝行行三里更五里縮地無方心
恐怕豈知歸途得捷徑如入拘囹初遇赦回手獵獵
搖晚風避暑湖樓指傳舍門前古槐黃落花玉策方
期吾子射一星天外四山暝高柳老蟬猶未化此軍容大寶高洪趙吳六封南題帝心卷

村粥廠用樊榭官米韻此軍容大寶高洪趙吳六封南題帝心卷

寇蔓延閩浙軍容大燾高北嗟兵力怯南顧帝心勞
加以偏災警誰能活計叨萬家空杼軸望望運糧艘

爲山誇聚米價反比山高天府征輸竭小民經紀勞
嗷嗷干鉢託懇懇一錢叨負戴蟻人集功同銜尾艘
城中三十厥任郵古風高絕日豺狼食憫心鴻雁勞
萬千貴計釀一半利威叨意外生機絕夷糧駕海艘
粥粥無能者羣瞻門第高好詩慚口獎下策佐心勞
苦雨生人感餘風老輩叨鄭鄉懷飽德拭目巨川艘
爾蓋宋穆陵御容王何幸陪戎藉餘王難就聊謝
西風吹冷酒祐絹幘龍姿見恩眷南渡衣冠翰墨
緣西方功德顯慈院院中遺象宋官家偉貌豐鬚厚
福誇奕奕黃袍儀服貴巍巍烏帽角巾加青宮後市

松夢寮詩稿卷一

五

龍翔好弟忽踰兄承統早九重出震小朝廷萬姓爭
觀烏太保太保偏安四十年尊崇理學尙先賢獨嗟
墜地程朱學不敵滔天韓史權流離賈與閻羅董箴
煽盈廷沐殊寵濟王何幸詔伏誅繪工難掩神慚竦
遺事蒼涼秋復春白頭宮女話前因鵲巢貌易眞皇
后麟閣形摹舊相臣三池九井琳宮築御讌宏開祈
永福只爲桃花好面皮冠他諸刹兼靈竺寫生妙手
郭蕭齋特敕園前畫院來富貴浮雲老將至丹青生
面穆陵開玉笋又展尋題字此畫幸非同殉隧酒注
屠蘇帝魄寒玉顛太巨嗟遺累

漁婦

夫漁晚市回得魚便沽酒不比買春茶累月空船守
敲鍼作釣鉤不把金鍼繡日日見鴛鴦何心花樣鬪
憐物本人情烹羹懶下箸一雙比目魚仍放隨潮去
西立題茶庵負米圖時將之官山左記末
孤鴉啄冰雪凍嘴有血痕人可不如鳥當職清與溫
高子性天厚如竹護老根學優謀祿養誓報春暉恩
驅車走闕里不是勝母村負米懷前賢吾道一綫存
五斗折腰恥毋泥淵明言

松夢寮詩稿卷一

三

翦餅傳柑事漫誇經寮來看早梅花香凝北墅冷煙
冷影動南枝斜日斜小水晶宮尋宋碣大檀越主屬
張家調羹驛使詞芟盡低首詩仙未有涯

高平茶禪寺

靄靄風微和從容歇孤權遠望春水明激灩朱榜照
門立三浮屠鎮彼毒龍掉偏災珥恆暘功勝刑馬禱
佛獨僧伽空樹古芻尼噪夕陽射殘碑隱隱至正號
潛文伯琦書爵侈故元誥伊非功德林文字曷永保
癡想從老坡乞借舊茶銚

同仁祠訪維章上人

皇親古巷尾閒訪老披緇千佛蕭梁寺三仁勝國祠
滄桑經世劫市藥隱神醫僧有喉證十八方異人授也祠產龍頭薄荷亦仙種
坐久香停篆齋中報午時

朱買臣墓

漢時宿草冷荒阡短碣修題嘉靖年太守功名悲艾

髮老僧事業重薪傳明資舍利幽宮照靈仗伽文舊

宅延獨撫斜陽市門樹鐘聲鈴語一淒然

數書坐十三間小樓懷孫縉卿姚雨方

七百年遺迹十三間小樓天涯離別感人事古今愁

月白朗於晝風清涼似秋姚興與孫復盟誓冷沙鷗

松夢寮詩稿卷一

七

菩提講寺在駐防城內

人從潘閩巷頭行來趁招提晚日晴宋代遙留一衲

地清時巨鎮入旗營杜鵑豔豔南漪景班馬蕭蕭北

塞聲苔潤石鑪香篆細新詩大好佛前呈有石香鑪也

魏二尹贈印泥

魏侯貽我雙赤鯉一朵紅雲溼飛起冰臺之艾句漏

沙玉壺遠渡閩江水閩江漸江二千里棒檝歸來顏

色喜腰懸斗印紫泥封青眼高歌望吾子

松夢寮詩稿卷一終

松夢寮詩稿卷二

錢塘 丁丙 嘉魚

新正三日大雪陸點青檀招集峨嵋山房庚申

楊柳絲未綠何來絮滿天天心憐別意客况逼新年

紙閣蘆簾密圍鑪柏酒圓政成祝歸早同結看山緣

時點青有服官江南之意故云

茶庵招遊西谿答之卽堅其約次韻

只消雨不惱黃昏明發招邀出郭門十八里中花更

好兩三人約酒先温指王水樓禪話交蘆偈野寺詩

尋宿蘚痕試與軟紅塵土客清名持較果誰尊

松夢寮詩稿卷二

展厲太鴻徵君墓用阮文達韻博果詩集

陰脈遙遙厲半州先生遺蛻法華邱魂歸定有鶴飛

下名重何煩鴻博留偕隱西溪完宿愿無兒東野亦

千秋我生恨晚餘私淑空酌寒泉酌墓楸

護生庵小憩卽題朱野雲鶴年畫魏秋浦先生

西溪詩意圖次韻秋浦元唱柴扉都傍釣船開

難認路梅花香遠引人來先生裔孫滋伯以圖捨庵中使大覺上人永永保護爲詞記其事

粉紅梅趁早春開釣石無人滿綠苔證到一瓶功德

水西方極樂悟如來

梓蔭巖忍公灑亭喬梓棠陰一席開瓣香未墜續岑苔畫禪

誰補西溪志喚起詞仙白石來

謂滋翁

誰可晉賢否

曲港碧漣漣從無網罟牽鷗迎若知禮魚老亦忘年
北渚春風興南華秋水篇千金團社約誰送佛前錢

晚過秋雪庵

去年秋雪晴曾泛低篷舸今年臘雪消清遊約復果
犬吠驚生客僧老尙識我敗龕蟲網絲香縮佛鑪火
彈指罷登樓屈足且枯坐須臾晚煙起暮色催山左
落日點谿脣胭脂紅一顆

深潭口泛月

松夢寮詩稿卷二

二

夕陽方西下人靜草含煙村民養耕力鐙息門早關
梅花不見影微聞香娟娟須臾素娥至玉梳掠一彎
新年訝初見寶靨瘦未圓豈其意宵渡來附人便船
載之以俱行無言過前川川程曩羊腸不獨山路然
涉世鮮直道曷參水月禪

晚過曲水庵

人隨曉鐘動巢禽起反後鄰庵近可探泛泛深潭口
一水如矩彎繞以脫髮柳我與明月影恰恰一航受
放槳聲欬乃遠望戶樞朽煤重僧厨荒塵積佛龕厚
只有綠波痕與灘平至久重浮曲水觴可有晉賢否

入法華鳴

範水兼模山熊魚美竝獲樵徑本崎嶇一身穿萬竹
絕壁夾欽崙地勝武夷曲清遊忘遠近盤桓入其腹
春泉瀟瀟流沿緣巖山足且喜蘭若名徧標竹根綠
似指世外迷軟紅何苦逐只在此山中磬聲斷復續
何日結茅庵披緇書愿讀

華塢諸精舍

一卷涅槃經禮罷息諸想陰山竹露濃點點齋榜

松村休庵

松夢寮詩稿卷二

三

休休休休休我愛水雲子若果參詩禪黃冠可來此

怡雲閣

靜閉兩版雲采藥不知處竺書曝庭心不許凡眼覷

華梅溪庵

老梅三百年溪上開無次生臺石琢龍沿上怪藤翠

肯庵

小小三間茅廣厦視平等除非俗人來老僧只不肯

正峯庵

白氈作地衣侵曉禮散聖辨道無歧塗對面一峯正

眠雲室

在山不出山阿師在何處冷抱一窩雲茸茸白於絮
九松居

十八阿羅漢幻相現其半謾謾松風鳴吹子落經案

溪飲庵

瑩然石骨髓此中有生氣瞿曇沙鉢孟久忘井水味

草舍善樹雪林

籃輿八九里山冷人蹤絕古梅無多花襯以林表雪

當題西溪卜居圖

程松門詩云卜築西溪第幾灣
蟹村漁舍鷺鷥灘扁舟他日來

雪簷相訪千頃蘆
花當雪看

山房隱梅竹喜無人事繁先有卜居者於此脫塵樊

松夢寮詩稿卷二

四

此中多幽處漁舍兼蟹村蘆花第幾灣問訊情温温

雪蘆扁舟約定不辜清言作圖寄妙友乃是程松門

當時草堂景崑也亦寫真雲煙久飛化僅此尺幅存

冬花老庵主得之寂寞塵重返舊遊處更續未了因

章翁善收護得地兼得人爲藏先生圖如招先生魂

重錄先生詩如聽先生論梅花老廳屋所願鄰芳鄰

綠萼題名册子用蒙叟夫婦倡和韻

鴻雪緣深蚓墨斜簽題五十六名家詩懷祭酒風流

遠紙尙生香春意賒終古流連珍舊澤

册子爲祭酒
哲孫硯祥名

文昌
補書

卽今遷轉感恆沙綠珠同向樓前碎

借指
河東愁絕

空山老歲華

廣嚴寺

迤邐鄉山不斷青爲探梵刹泊臨平竹光瘦比溪筇
立松韻清攙石鼓鳴褚氏伽藍龕失象唐時元覽碣
埋名題詩幸有鮮于老引我斜陽望古情

永興寺尋二雪堂遺迹

山深雪積無人掃古寺禽喧客來到鐵牛斷臂冷枯
禪只有尾螺靈蹟躍入門一謁彌勒龕或是新年故
人笑龍象荒寒雀鼠穿萬麻鐘磬杵誰敲復古堂開
二雪基補題榜墨凌雲妙香魂招返綠萼仙接葉交

松夢寮詩稿卷二

五

杖莫輕拗恰恰平頭六十春春色已嗟半衰耗何況
儒官親手栽雙蟠宜化龍天矯如橋如梓俯仰間麟
公驥子同憑弔暗香賸有一枝妍且奉先生粟前教
山歸舟自松木場踏月至小槐窠宿

登山復臨水一望碧波激歸舟轉婀娜日暮晚霞蒸
清游慰渴願快如消痕癥到岸正昏黑恰好冰蟾昇
光明照大地似欲爭春燈道傍松影亂踏碎青鬢鬢
團圞無缺陷圓比昨宵增買酒酬腳力呼童沽幾升
湖樓且投宿笑向回欄憑梅開不先賞難免逋仙憎

空山新柳

萬怨千愁不惹絲天涯離思未曾知禁煙門巷遲吟
展夕照樓臺卓酒旗春色軟紅塵土外風情慘綠少
年時河東鏡子團圓在新樣依依學畫眉

孩兒巷內山子巷有古井石闌上刻淳熙四年

西齋修五字

環闌一勺獲寒泉五字苔侵七百年捨宅南湖碑發
願數來歲月石同堅
南遷朱邸說吳王故苑依稀接後洋雪藕調冰舊時
影可留玉虎與銀牀

龍沙碧井忍重論天水荒蕪一碧存輸與前洋鐵蘭

松夢寮詩稿卷二

六

石銀瓶不改舊精魂

放翁騎馬客行都曾寓輒街巷尾廬春雨平添三尺

木井泉曾浸杏花無

碧梧一葉下階墀節物星期足繫思不獨爭來汲秋

水香泥和更塑孩兒

西齋詞筆冠雲詩憑弔斜陽又一時淘米濯蔬鄰女

盡恐教埋沒竝雙獅

雲間暗張嘯峯明日別去

谷陽門外駐吟筵各把新詞證雪鴻難得相逢易相

別浦南煙月浙西風

禮壇匯待潮時聞安吉之警星夜旋里

世亂心隨亂潮回客未回東風布帆惡落日晚鐘催

麗塔成沙土殘碑讀劫灰皇慶大德仰天一搔首誰把寇

烽摧

三月十一日雪

日懶黃人守春疑黑帝司老天伸傲意大地反常時
癘壓羊皮疫寒侵馬革屍無衣獨歸客犯雪更心悲

十四日清明寓齋書感

清明無客不憶家傷春心事今猶加手攀楊柳條條
綠鄉遠何從插簷屋更悲新故鬼餒而紙錢墓下憶

松夢寮詩稿卷二

七

無兒兒兮我亦痛孤露泣涕親棺尚權厝北山地燥
縱覓成卜窆有媿石曼卿嗚呼負土果何日梨羹麥
飯供寒食寒食自有新煙生不似今年遙祭情

四月十三日蘇城陷

破楚門先火萬屢成城氣餒渙民團倒戈切齒鴟張
卒微服羞顏鼠竄官搜刮金閭財賦竭挽飛玉府漕
糧難一天梅子懨懨雨同酒憂時淚不乾

四月二十六日嘉興陷

巢湖巨艇慨藏姦裝易紅巾猛似豨頃刻城崩萬人
死傾脂河水色增殷

全家坐小艇視賊所向以爲趨避

浮家泛宅水雲鄉南朔東西莫定方安得如來離怖

畏掀天劫海引慈航

不繫扁舟不繫身飄零翻與野鷗親桃源一記偏多

事賺我癡懷黃道真

聞松江賊退余自益涇返郡城一路浮屍觸船

燕翼腥風集袂荒涼景狀不堪寓目

官軍不追賊僅克郡城休鄉戶脂皆竭溪河血共流

破殘虛比屋生死寄孤舟麥俱荒盡還添饑饉憂

自青村港至大團舟子迷路竟夕不能達

松夢寮詩稿卷二 八

月黑煙濛港汊迷水螢萬點作團飛一篷涼雨無撐

處借宿蕭蕭蘆葦磯

青軍移寓大團

燕巢危不定心地幾時寬欲免分離讖全家寄大團

憂思寄茶庵

廬黔垣赭劫塵昏怒髮衝飛氣尙存亂世文章矜血

性故鄉音信盪神魂虎狼荆棘除道雞犬桑麻或

有村寄語高家三十五及時鋤藥翠微根

斜寒提督軍門署爲徐文貞故宅

大帥頻年歷戰場戟門石獸蘚荒涼五茸不返三軍

士八葉猶留一品坊佳話屋材傳父老太倉戶稅免
孫行東風燕子無窮感同慨康雍甲第王

松江雜詩

五色泉

九轉丹成後仙蹤憶稚川誰攜五色筆來滌此中泉
病者疲癯起染人章采鮮蚓聲沸茶鼎小啜晚春天

白龍潭

神物久飛化空潭珠在無天浮大圓鏡地擬小方壺
蓮社生機勃苔碑墨寶摹昇平猶可念亭子未荒蕪

公輸子廟

松夢寮詩稿卷二

九

般師舊祠廟獨峙古城東規矩良工授苞桑幻業空
利人輸木轄嘗巧病檀弓欲乞雲梯製親將賊壘攻

題吳鷺雲

崇俊

蘊珠室詩稿

凌霄逸氣劍飛霜香舊才名接厲杭花草古歡聯異
地武林新劫感同鄉請纓誰抱雄心在脫帽休嗟短
髮蒼所願風萍終久合瑁湖相對築溪堂

哭凌杭生

德初

年年消息斷未諗住何方昨得友來札始驚君已亡
多才搜物欲逆事拂肝腸翦紙空招奠酸辛涕淚涼
魚藻珠潭水鷺花玉照堂舊遊春寂寂瞑想日荒荒

梁壞悲家難根同況國殤魂兮差可慰海若護歸洋
異哉晚景民散散凶不試團團美天末刺刺謝眼開
獨啟柴門傍水涯小平遠景望些些雲山潑壘天然
畫數筆寒林幾點鴉

望望欲往心願一賦大更誰賦才盡于寒風下好魯
望望朝朝軍旅休遙遙夜夜夢杭州杜陵欲往箭滿
眼王粲思登樓上頭山北駱駝歡虜唱澤中鴻雁慨
民流西風衰柳黃於酒何處旗亭足掃愁

巖谷連接粉園師杭州益齋舅氏如皋魏子服丈都
鐵水門三信

松夢寮詩稿卷二

十

雉水燕臺更虎林三函一晝到頻頻敢嫌繞道來遲
滯各歷窮途話苦辛跋涉有勞黃耳僕餐眠無恙白
頭人萬金足抵詩懷壯冷笑行騰未算貧

眼王挽才小雅明府

乃詠

裘馬翩翩出大營蒞民餘事好談兵苦思赤手撐殘
局獨矢丹心殉一城大勇能追卞莊子家風不改魯
諸生李侯俎豆他年配待看褒封下九京

巖嶺對月刻水對水平鼓聲望些些雲山潑壘天然

異地看明月清光似不如團圍羨天末險阻憶鄉閭
壁厭青蛩語河沈赤鯉書琴涼罷鼓指法漸生疏

中秋

強扶宿疾延佳節又到秋高氣爽天劫運願隨雲卷
盡家人常與月同圓桂花消息懷臣里萍梗生涯繫
客船吟得詩成誰屬和宵深清嘯一陶然

程斗麓

開闕

朱朗山朱竹珊先後見訪

素心猶幸未相違小敘荒城話落暉保甲連村豪俗
散零丁滿路幾人歸天留我輩存詩史歲逼風霜壯
酒威更痛雷琴成絕調劫塵煙墨淚空揮

晚興

木棉裘暖稱蘆鞋除卻山居便水涯無事謝鯤聊寄

松夢寮詩稿卷二

七

寓有緣蘇晉樂長齋水寒榻退冰文簞火暖爐圍品
字柴知足竝宜知不足養生修學兩般懷

陽光煜煜愛初輝暝色重重下短幃猶子鐙青書有
味故人尺素話當歸推敲舊句詩情細壓捺新寒酒
力威惜乏蓼塘居舍比一瓶待借總心違

一任他人喚腐儒此生無悔亦無譽大難異日明夷
筮小苦災星无妄除公是脩羊伸舊饋賓來寒雁伴
羈居不辭學圃樊遲問看刈殘禾時晚菹

新場晚泊

禿柳荒葭散晚煙平疇極目渺無邊季鷹墓冷魂終

古老鶴巢空骨已仙潮捲黃流初盡地期追赤壁後
遊天布袍雖敝有餘煖僉用行沽挂杖錢

奉賢道中

樛酒難消芥蒂胸夜寒人語亂如蛩波光一片月初
直寒色四更霜正濃上次密稀收荻葦流離辛苦喻
芙蓉談家箋紙留行篋欲寫相思淚萬重

贈吳浩生

慶瀚

腳鞢手板犯風霜劍窟刀叢出入忙五日期憐京兆
短十年情覺故交長武林舊事何堪問文陣雄師孰
最强破郭寒宵無擊柝小樓疏雨且聯牀

松夢寮詩稿卷二

七

下沙場看鞠

園菊趁霜吐花容分外佳晚香秋境界瘦格病生涯
伴爾一瓶隱慰余三徑懷重陽有餘酒醉賞頓忘痠

贈吳鷺雲

敢將卷尾拂吟箋來寄維摩病榻前劍挂霜林真義
士斧修月桂小遊仙冷鴉殺翮愁吾遇老驥雄心養
暮年何日巖巖蘇瘦骨尋君酒載浦南船

雜詩

糶價故鄉貴茲鄉半折之莫言餽口易多少詠斯饑
吉貝花如雪單雙窳織機寒閨空抱布無路寄征衣

官筴日以滯私弊日以增海梟不從賊蹈法尙堪矜
懷鄉曲

東門茶菘韭芥老圃荒廢灌漑不聞曉市提筐賣空
館青蟲蛀葉敗空肚饑民色如菜

西門水流每每城河絕灌通閘石空磊塊撈湖役散
積荒葦魚集浮屍咬血水

南門柴巖江哀山客斷運水關禁開荒城午爨將析
骸官軍折屋民羅災殺賊誰知輿曳柴

北門米艘銜尾蘇湖源斷三萬里招商商不前平價
價反起饑民無食淚如洗海運誰輸天庾米

松夢寮詩稿卷二

三

雜題四章

君恩政績古猶今餘事風流足賞音命果如公刑子

卯晚年多難亦甘心

蘇長公外紀

魚簾鶯炙禍蛇妖地幻埋金感所遭且付達觀皈我

佛肩馱紅日放屠刀

快雪堂漫錄

品畫評詩十六條更欽故物論清超鹿車縱念千編

載複壁同逃燧焰焦

遺山隨筆

隔江烽火境同之首領憑天未可知我亦草堂無恙

在只輪義犬與靈龜

玉山草堂集

蓮池庵白皮松歌

水仙廟裏蓮花池池上老松大合圍交柯接葉東與
西亭亭雙幹潔白皮松下兀坐比邱尼指松索我爲
歌詩嗟我風塵苦馳逐逋句未償白日速至今患難
動追思尙覺松風涼謾謾松如玉爪銀髯龍龍之赫
兮頭角雄白雨點點龍鱗容白雲片片龍尾從不然
瘦如白髮翁蒼然對立扶松筇不然強似白衣叟落
落恥受羸秦封鳳山鷺嶺南北峯讓爾雙幹撐蒼穹
煙姿霧質勞心領籠列明湖十八景可惜湖山滿劫
灰不止獨松關外警松兮幸未遭索烽主林神護千
年本慨余離泊異鄉身故土猶輸託根穩搗來避亂

松夢寮詩稿卷二

十四

住益涇望斷芙蓮開野門何時東向還家庭重證老
尼香火因松蘿煮熟來聽經饑餓龜蛇白茯苓

夢鄒仲虎先生贈賈誼製墨

肉食無墨造化弄糞土腐餘何足夢宵來夢遇狷齋
翁贈墨半枚情鄭重長沙姓氏留隄廩廷珪烏玉玦
失奇漢官儀識月賜二此其竝囊文豹皮鳳匪迴翔
鵬飄泊二千年後悲一轍事勢誰陳痛哭書艱難空
寫治安策摩挲忽被雄雞驚油煤鐙焰黑不明醒來
索墨空盈袖烏有先生磨斲人

元日攜弟姪輩登甯波天封壇

辛酉

聚沙作塔紀鳩工萬歲通天萬歲封六面七層凌絕
頂四明一覽盪塵胸及時梅柳青春麗到底蓬萊紫
氣濃曷爾初枕從此始最高高處慎行蹤
穀日歸家用淵明還舊居韻

昔傷避賊逃今慨游子歸歸來亂雖定城郭氣尙悲
南門屋多燬時覺舊路非開年寂歌吹樂事無一遺
差幸破草堂猶許身復依孤梅替守門酬詩不煩催
詩成且痛飲用扶筋力衰掃愁還掃塵先爲書梔揮
魏滋伯丈劫後移居金芝麻巷張仲甫丈宅中

依韻奉和

松夢寮詩稿卷二

五

燹餘莫漫歎焚林未始天非眷愛深髮白耆英延國
脈汗青野史繫公心名山成例先秦厄老圃閒情舊
漢陰且把宜春祝長壽壽逾貞石復堅金
經年戎馬苦奔馳黑白殘如一局棋老去陶潛杯作
友世無嚴武帳依誰枯魚雪澗空憐瘁怖鴿雲龕共
忍饑或者危城成福地靈根移入善人芝

市曲三椽一徑斜陰濃雙樹四圍遮情深渺渺西江
水
時仲甫丈先避江右讓屋而居悟徹無無北墅家遣興銚茶還銚

藥卜鄰瓶柳更瓶花團圓仙眷佳兒婦疑飯天台洞

裏麻

不須灰裏覓徬徨自掃微塵自炷香禪榻鬢絲清夢
淡圖書鐘鼎寸心藏他年寓傳添松里幾輩山貲寄
草堂差喜同渠來往熟新居不數馬塍張

同兄展墓歸宿香山蘭若與法慧長老夜話

裂碑宿草無燒痕幾家墳上來子孫亂餘閭井半遷
徙苔生戰骨誰招魂弟兄何幸竝歸里天許冷酒澆
松根暫時展拜已不易況仍無補清與溫人生不如
草木賤猶能守墓安朝昏摩挲石磴淚鳴咽冥陰漸
落扶桑暎軍巖令肅閉城早水犀魚麗湖心屯宵行
盤詰禁鎧火無計且復投荒村劇思巴叟臥不起乘

松夢寮詩稿卷二

七

月急打精藍門

以楊渚白畫鍾馗擊鬼圖贈滋伯賡以詩

石榴紅似劫火然行沽蒲酒羞腰纏山齋無計賞重
五空與老馘圖爲緣老馘黜醜神桓桓虬髯如戟森
雙顴袍藍鞢黑角帶寬赤舌司令柄殺權其旁一鬼
態瑟縮不啻烏雀逢鷹鷂披圖令我觸時事東南浩
劫悲沈淵新鬼含冤舊鬼哭戰場白骨陰風酸談兵
大率向紙上高牙大蠹博美官囊韜寶劍不刺賊一
似老馘腰間懸餉糈之度支竭一似老馘撐空拳
不知何年抱頭竄鬼車鬼馬驅腥羶其他兀兀鑽故

紙露布無分馳金鑿文章嚇鬼亦何用進士徒以虛
名傳忽憐無家魏伯子詩禪面壁鮮古歡楊翁雖死
畫不死靈風浩氣相鬱蟠請移此軸作供養或作老
馮徙宅觀

劫後湖上

鶯花孤注負東風如此湖山淚眼中偷得壺秋詞裏
景苔青血碧壞垣紅

鳳舞龍飛識不虛

明湖福地擁

宸居

雲護八景奎章四庫書黃船廠塌菱荷衰御榻亭欹滿草萊白髮老翁揮涕

松夢寮詩稿卷二

七

說南巡親見翠華來
髮髯遺編讀夢梁聖因寺外境荒涼花天月地人何處一箇殘僧立夕陽
杏花開瘦湧金門睡醒朱樓帳不溫悽絕焚骸子摧
感空招寒食杜鵑魂
戢金明玉總相宜紅藕花光映妓衣載酒載愁悲一
瞬敗艘零落渡人稀

對影招邀泛酒船放生社約結嬋娟三潭秋老平湖
翳月也傷心不忍圓
慶忌浮圖亂鼓鞏稚川丹竈換塵泥踏花歸去無公

子讓與倉黃戰馬馳
黃泉老淚灑斜曛
富貴空花過眼雲
隄外綠楊鄮斬
盡有何春色
兩家分
無主樓臺噪晚鶯
無根荆棘發狂生
闌干不倚羅衣
袖慘淡紅疑戰血腥
石馬無靈壓寇氛
鐵囚重與見屍分
麒麟高塚猶荒
廢何況棠梨淺土墳
一樣災焚故苑芝
寫經憔悴老披緇
紫雲縹渺湖心
冷誰續當年社帖詩

松夢寮詩稿卷二

七

散多少牟尼數恨人

鴻雪依稀認舊蹤
萬松嶺上白雲封
南屏烽火連西
粵舊墨重題獨秀峰

蟬死秋槐葉葉凋
重城一角楚魂消
不堪蹇塞孤兒
抱獨怪橋名通利橋

兵火錢唐劫永無
咸平高士論欺誣
何如杜口言封
禪死守梅花三百株

精舍荒蕪許鄭經
高山終古仰遺型
世情不管惟春
草猶傍相公墩上青

五柳風光似義熙
湖山祠社罷春嬉
綠油閃閃將軍

轟錯認紅樓舊酒旗
空山真箇足音稀
鼓版荒荒換采薇
獨唱念家山
破曲白公蘇老各噓唏

龍井已頽神運石
鳳林早散鳥窠禪
檀那儉薄清齋欠目斷雲帆盞飯船

銷寒九詠

蒼空懸年糕

利市春盤點綴妍
爭高吉語樹連偶
因節物懷鄉物或者開年勝
此年糧絕羞書乞米帖
燹餘擬續夢梁編
題糕筆硯都零落
敢傲劉郎腹笥便

松夢寮詩稿卷二

九

柏枝

青青只有歲寒松
鐵幹同撐雪與風
急迫流光偏遇變
堅貞本性不忘忠
雙親蔭痛荒攢隔
百子圖驚委巷空
愁觸一尊柏葉酒
禍萌冀北粵江東

梅

花花紅戰血痕新
天地心難挽劫塵
問信誰知故鄉事
吟詩空渡大江春
他時酸味無多子
當代和羹有幾人
輸與山礬水仙潔
連枝兄弟最情親

空山黃筍引音餅
遠引荒荒野采齋
斷即念家山

黃土園林植亂餘
本根猶有未芟除
錦綉孩子沿途

棄翠袖佳人空谷居憂患已徵千个字平安待報一
封書班聯懶插京華腳有願終身學荷鋤

裂冠毀冕

淚空彈血色紅巾不忍看
皁帽猶能及冬

著青氈同守到天寒垂垂亂髮杜子美兀兀科頭管
幼安空擊紅衣小兒首淮西功績或非難

危城曾憶

嘆無衣今歲荒寒更慘悽
挾纊三軍師律

失敝裘卅載我年齊迹尋密綫悲遊子聲隔疏碇念
老妻換酒鄰村難抵值新香望斷甕頭泥

松夢寮詩稿卷二

三

大臥塵寰廿八年

先生草薦表清賢
朔風烈烈負奇

暖世事昏昏只醉眠布帛已殘身外物稻梁空結夢
中緣牀婆回首燈宵祭嬌女依依最可憐

照來形影俱單

隻空對殘輝老歲華
旺旺松薪懷送

竈爨纍花蕊夢還家劫灰民病脂膏竭書味兒時涕
淚斜廿載虛心拜修竹傳燈師痛隔天涯

烽煙莽莽逼鄉關

塗炭生民破不完
戶口久寒黔突

火將才空望黑灰團送須密雪白三只照敵太陽朱
一丸愁絕隔年年事改帆盃何興卜餘歡

歲暮雜懷

先靈

茅家埠對柏家園二世先靈安墓門縱免紅兜掘墳
賊更誰培土護松根

先考妣厝室

桐棺雙擱石橋煙四柏荒撐雪滿天宅兆蹉跎安措
卜孝經不敢讀終篇

先叔厝室

松夢齋詩稿卷二

三

憶從同里辦歸喪麥飯清明薦六霜地下姜肱被猶
熱可能分暖到兒行

先嫂亡孀三櫬

弟兄目淚竝鰥魚姊妹花悲連理枯他日一抔團骨
月夜臺終古傍慈姑

兄

梅東橋畔手驚分其沒其存斷見聞世世正殷兄弟
想酸風忽過雁成羣

歸李氏妹荔生妹婿

吾家有妹傲青溪夫婿兒郎福慧齊腸斷大雷書信

阻怕吟子美四歌兮

姚悅齋舅氏歸龐氏姨母

洵洵塗傳寇陷城尙來存問及孤甥忘憂止此同根
草淚洒重泉無限情

趙雁湄姑丈

哀哀遺訓重彌留手足關情鏡水樓樓上主人還在
否劫塵紈扇溷蠅頭

鄭書人師

六經絕學授康成心折張紗術隱君鄭重致書言立
命定知拜不受黃巾

松夢寮詩稿卷二

三

楊粉園師

鱣堂絃誦夜鐙知廿載依依父事之子在對稱何敢
死夢魂此境屬何時

戴介颿師

翦燭論文道氣濃城南載酒記游蹤鳳凰山色青如
舊愁聽烏龍蒙古鐘

家少治冲泉兩叔

保甲編查煙戶牌呼庚藁葬壑溝骸踵籌善後知何
日老竹林中一愴懷

高伯平丈

道德文章一代宗
追陪半載仰高風
重編自靖天如許
終待嘉禾小寓公

魏滋伯丈謝表跋

不等魯靈光殿積危城
詩當序癘梅翠浮詞卷空千古
誰拾紅羊燼後灰

周春舫先生詩軸

最憶瞽宗年老官
還鄉講學有餘歡
哭臨已屆城圍日
白髮猶看映素冠

黃上水姨丈

粟仁共卹哀
嗷雁糧絕猶奮
涸轍魚努力濟時
天不

松夢寮詩稿卷二

三

濟蒼茫獨立涕
漣如

毛西堂魏璇叔兩丈

街長瓊花兩石交
墨池筆塚興清豪
圖書押角收藏印
利否昆吾切玉刀

汪咸明硯田橋梓

懷珠獻璞鮮知音
子和終懷鶴在陰
愛惜一爐文字火
吾知抵得劫灰深

陳春叔子鴻表叔

三月新城道上回
幽憂疢疾遣深杯
霏霏雪絮三千里
望眼家山更可哀

王楚莊
忘眠貪話客姚江不合偕歸江上艤今日阿宜頑廢
學書鐙閒煞壞櫺牕

伊遇羹邵位西
非狂非狷學通靈大阮當年眼兩青若果斯文天未
喪應留子賤口中經

陸點青五昆仲
欣欣寶氏燕山桂移植淵明五柳家爲善讀書無過
爾逆知劫不墜蟲沙

高茶庵

松夢寮詩稿卷二

五

酒後酣嬉拔劍歌宦游東魯惜蹉跎江湖一雁謀梁
意其奈漫天簪繳何

凌蘭生內弟

幸哉依藉丈人峯寇至猶能避甬東浮海浮家安穩
否不堪禁雨又愁風

周蓮舫

宋元明版真初印喪亂何曾值一錢不及紅蟬能果
腹破書堆裏傲神仙

法慧衲庵

白馬經馱蜀道難淹留湖上耐清寒南朝四百摧殘

寺何處齋鐘去挂單

蘇詩 眞定眞默

八部天龍辟虎狼破袈裟裏出經糧特憐地老天荒
叟命似灰爐寸半香

蘇詩 仲弟仲妹

一般荆樹望成林雪虐風欺淚滿襟我願希蹤許元
度慰他泉下向平心

蘇詩 崇義祠

游魂不致生民厲正氣常留天地間中有萇宏萬點
血何人下馬弔青山

松夢寮詩稿卷二

蓋

田家園宅

宅基憑藉朱明契地址依稀趙宋城意欲蘧廬觀作
達肯堂其奈手經營

更想 八千卷樓書

弟兄兀兀抱書癡諫果回甘味獨知未必祖龍都燬
盡尙期得者寶藏之

與命 小園花木

禽語蠡聲夕照斜桐槐梅竹桂棠茶依依某樹先人
種豈竟十分心愛花

妻女

平安書斷月經三離別情懷百不堪轉羨鄰家夫婦
樂女兒酒熟破深罈

松夢寮詩稿卷二

松夢寮詩稿卷二

美

樂丈原酒熟破深罈

平安書斷月經三離別情懷百不堪轉羨鄰家夫婦

| | | |
|----|----|------|
| 津古 | 册数 | 4 |
| | 定价 | 3.00 |

